

Headline	HOC tawar rebat pembelian rumah		
MediaTitle	Utusan Malaysia		
Date	17 Apr 2019	Color	Full Color
Section	Dlm Negeri	Circulation	107,609
Page No	45	Readership	322,827
Language	Malay	ArticleSize	201 cm ²
Journalist	N/A	AdValue	RM 3,973
Frequency	Daily	PR Value	RM 11,918



HOC tawar rebat pembelian rumah

KUALA LUMPUR 16 April - Orang ramai yang tidak berkesempatan hadir ke Kempen Pemilikan Rumah (HOC) 2019 yang lalu di sekitar Lembah Klang boleh merebut peluang kali kedua di Mid Valley Exhibition Centre pada 26 hingga 28 April ini.

HOC 2019 mendapat kerjasama Ekspo Harta Malaysia (Mapex) yang dianjurkan oleh Persatuan Pemaju Hartanah dan Perumahan Malaysia (REHDA) adalah

untuk mendidik rakyat tentang pemilikan rumah ataupun hartanah.

Pengerusi Jawatankuasa Mapex, Datuk Ng. Seing Liong berkata, kempen tersebut adalah satu inisiatif REHDA menyahut hasrat kerajaan dalam bajet 2019 bagi pemilikan rumah.

"Lebih daripada 72 pemaju hartanah yang akan menyertai kempen itu dengan menawarkan sebanyak 17,420 hartanah kediaman dan juga komersial mengikut jenis yang sedia ada atau pun sedang dalam pembinaan.

"Expo itu akan menawarkan harga pemilikan hartanah bermula RM300,000 hingga RM2.5 juta berserta diskaun 10 peratus yang akan ditawarkan oleh pemaju hartanah yang telibat," katanya dalam sidang akhbar di Wisma REHDA, Kelana Jaya dekat sini hari ini.

Kempen yang berlangsung di sekitar Lembah Klang, Pulau Pinang, Johor, Negeri Sembilan dan Kelantan itu bermula sejak awal Mac lalu dan akan berakhir Jun ini.



NG. SEING LIONG

Seing Liong menambah, pihaknya menyasarkan penyertaan sebanyak 30,000 pengunjung hadir ke ekspo tersebut.

"Ekspo itu turut bekerjasama dengan tujuh agensi kerajaan yang berkaitan antaranya Agensi Kaunseling Dan Pengurusan Kredit (AKPK); Jabatan Perumahan Negara (JPN); Tribunal Perumahan Dan Pengurusan Strata (TPPS); Lembaga Pembiayaan Perumahan Sektor Awam (LPPSA); Kementerian Wilayah Persekutuan (RUMAWIP); Kumpulan Wang Simpanan Pekerja (KWSP) dan Lembaga Perumahan dan Hartanah Selangor (LPHS).

"Kami turut bekerjasama dengan tujuh agensi kewangan seperti CIMB Bank Berhad, Maybank dan Hong Leong Bank bagi membantu para pelanggan mendapatkan perkhidmatan kewangan," katanya

"HOC turut menawarkan rebat RM100,000 kepada 50 pengunjung terawal akan menerima rebat RM2,000 setiap satu pemilikan hartanah semasa kempen itu berlangsung," katanya.